

Профсоюзин комитетсин көдлмшәс

Каспийск района школмудин профсоюзин организацсин тооцана болн шин бәәрн комитетс, профоргс сунь-тългъна хургуд болад төгсв.

1957 джилин декабрь сард болсн КПСС-н ЦК-н Пленумин тууджлч шийдврәс болн ВЦСПС-н XII хургин Торттаврас гардвр авч көдлсн учр дээрәс, мана Каспийск района школмудин бәәрн комитетс болн профоргс 1959 джилд профсоюзн көдлмшән, урдк джилмүдәр болхла сәәнәр ясерулв.

Бүкл джилин туршарт школмудин профсоюзн организацс эврә көдлмшән зургъар кеджәв. Кех көдлмшинь зурагъан кехләрн, школмудин директормудла болн школд бәәх паргийн организацла зөвшләд, нилицнъ-түу зура батлад, эржн ик чинртә, школин көдлмш ясерулх, сургъулин болн сургъмджин көдлмш өддән гаргъх чинртә төрмүд тәвдж көдлджәв.

Школин сургългъна болн сургъмджин көдлмшт, сургълчнрин дитдара школд батрулгънд болн альк нег кружокин, урокин хөбн, сүл цагт кедг көдлмшт дөнъ болдж, эрдм-сургъулиг бәәдл-джиргъллә ирлцүлдж өөрдүлгънә көдлмшт ик дөнъ-тусан профсоюзн организацс күргв.

Мана школмудин бәәрн комитетс эврә члединнь бәәдл хәләдж, гемтә-шалтгаднъ курортин болн санаторин путевк, түрү-зүдүднъ, мөнъгнә дөнъ, багшнрин болн школд көдләчнрин райкомар дамджулдж, дөнъгән күргджәв. Түрү-зүдү, оln бүлтә, ба-

гъар мөнъг шинъгәдг кесг техничкст мөнъгнә дөнъ күрггдв. Ут-турштан 1959 джил 1500 арслнъ өггдв.

1959 джил мана школмудас дөрвн багш санаторт оч бийән эмнүлчхәв, тавн багш амрлгъна терт оч амрцхав.

Каспийск района багшнр оlna төрт орлцна. Колхозникүд болн совхозин көдләчнр дунд лекцс умшцхана. 1959 джил үр Петькиев Б. П., Шумилина Н. И., Ефимова Н. Ф., Ли К. В. нань чигн багшнр сәәнәр лекцс умшцхав.

Болв, школмудин бәәрн комитетс-ин көдлмшт дуту-дунднъ чигн дала.

Зәрм школмудар багшнрт түлх түләгъинь ода бийнь авч ирдж өгәд уга. Тийм йовдлмуд Каспийск дундин школд (директорнь үр Тихонов А. П.), асхар сурдг дундин школд (директорнь үр Гусева В. Е.) болн нань чигн школмудар бәәнә.

Нань чигн хаджгърмуд бәәнә. Школмудар болсн хургудар эн хаджгър, буру, дуту-дунд йовдлмудин тускар келгдв. Тер дуту-дунд йовдлг иягъдж, уга кех, ямаран бәәдлтәгъәр көдлмшән ясерулх шийдвр авгдв.

Профсоюзин өмн ода ик төр бәәнә. Школмудар 1—5 классмуд ода шин программар көдлджәнә. Эн шин көдлмшиг сәәнәр уралан йовулхд мана бәәрн комитетс болн профоргс дөнъ-гән күргх зөвтә.

Д. УБУШИЕВ,

**Каспийск района багшнрин бо-
лн школд көдләчнрин профсоюзин
райкомин ахлач.**